

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14), te Okvirnog sporazuma broj: 05-JN1-16-4-TB-63-49/20 od dana 03.03.2021. godine, nakon provedenog postupka mini tenderisanja, z a k l j u č e n j e

UGOVOR
za pružanje štamparskih usluga

Između:

- 1. Direkcije za evropske integracije, Vijeće ministara, Sarajevo, Đoke Mazalića broj 5, koju zastupa direktor Edin Dilberović (u daljem tekstu: Ugovorni organ)**
- 2. O.R. AGENCIJA ALIGO, VI. Babić Mirela, Sarajevo, ulica Lužansko polje broj 7, kojeg zastupa vlasnik Babić Mirela (u daljem tekstu: Pružalac usluga)**

Član 1.

Predmet ovog Ugovora je pružanje štamparskih usluga na osnovu provedenog postupka mini tenderisanja, koje će Pružalac usluga pružiti Ugovornom organu prema odredbama ovog Ugovora po ukupnoj cijeni ponude u iznosu od 1.620,00 KM bez PDV-a.

Član 2.

Sastavni dio ovog Ugovora je Ponuda Pružaoca usluga od dana 13.12.2021. godine sačinjena prema Obrascu za cijenu ponude kako slijedi:

R.b.	Opis usluge	Jedinica mjere	Predviđena količina	Jedinična cijena bez PDV-a	Ukupna cijena bez PDV-a
1.	Publikacija: Što donosi instrument pretprijetne pomoći 2021-2027- IPAIII Broj stranica: 40 sa uračunatim koricama Korice: Kunsdruck 350 gr/m2 sa mat plastifikacijom, full kolor Unutrašnje stranice: Kunsdruck 150 gr/m2, full kolor Uvez: Klemanje/Heftanje Format: 19x19 cm Štampa: Full color	kom	Jezik: bosanski 200 primjeraka, hrvatski 150 primjeraka, srpski 150 primjeraka	3,24	1.620,00
2.	UKUPNA CIJENA BEZ PDV-a				1.620,00
3.	POPUST				0,00
4.	UKUPNA CIJENA SA POPUSTOM BEZ PDV-a				1.620,00

Član 3.

- (1) Pružalac usluga se obavezuje da će isporuku predmetnih usluga izvršiti prema nalogu Ugovornog organa, u roku od najkasnije 7 (sedam) radnih dana od preuzimanja podataka, te da će unutar tog roka dostaviti uzorak naručenog artikla, kako bi Ugovorni organ dao konačan nalog za izradu naručenih komada.
- (2) Za mjesto isporuke predmetnih usluga ugovara se adresa Direkcije za evropske integracije, Đoke Mazalića broj 5, Sarajevo, u okviru radnog vremena od 09.00 do 17.00 sati.

Član 4.

- (1) Pružalac usluga se obavezuje da usluge fakturiše u ugovorenim rokovima, na osnovu otpremnih dokumenata potvrđenih od strane Ugovornog organa da su usluge izvršene i da je iste prihvatio.
- (2) Pružalac usluga se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
- (3) Pružalac usluga se obavezuje da će isporuku predmetne usluge izvršiti u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta i količine pružene usluge.
- (4) Ugovorni organ je obavezan dostaviti pismeno obavještenje o svakom navedenom propustu Pružaoca usluga po Ugovoru.
- (5) Ugovorni organ će utvrditi razuman rok za ispravku propusta Pružaoca usluga u smislu izvršene isporuke.
- (6) U slučaju nepostupanja Pružaoca usluga u skladu sa stavom (3) ovog člana, Ugovorni organ može djelimično ili potpuno raskinuti Ugovor i prije njegovog isteka, uz predhodno izmirenje svih obaveza utvrđenih po osnovu istog.
- (7) Ugovorni organ će plaćati fakturu za pružene usluge propisanim platnim nalogom za plaćanje u roku od 15 dana od dana isporuke.

Član 5.

Odredbe ovog Ugovora ne mogu se mijenjati nakon njegovog zaključenja.

Član 6.

- (1) Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 31.12.2021. godine.
- (2) Predmetni Ugovor stupa na snagu od dana potpisivanja obje ugovorne strane.

Član 7.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 8.

Na ostala prava i obaveze ugovornih strana, koja nisu regulisana ovim Ugovorom, primjenjivati će se odredbe Zakona o obligacionim odnosima.

Član 9.

- (1) Pojedinačni Ugovor, zaključen na osnovu Okvirnog sporazuma, može se raskinuti prije isteka roka na koji je zaključen, sporazumom ugovornih strana ili jednostranim raskidom, uz upućivanje prethodne pismene obavijesti drugoj ugovornoj strani.
- (2) U pismenoj obavijesti mora biti naveden razlog zbog kojeg se pojedinačni ugovor raskida.
- (3) U slučaju sporazumnog raskida pojedinačnog ugovora, ugovorne strane sporazumom regulišu sva pitanja nastala povodom njegovog raskida.

Član 10.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka za vlastite potrebe.

Pružaoća usluga
VI. Babić Mirela

Mirela Babić

Broj: *01-23-12-06/21*

Datum, *23.12.2021.g.*



05-JN1-16-4-TB-63-125/21
23.12.2021.godine

O.R. AGENCIJA ALISO
VI. Babić Mirela
Biba, ul. Lužansko polje